



NÉ LA SE CI GE IN DARA

Maktub ge d'unda ria le “NÈ LA SE CI GE IN DARA” lé, d'aree to ge lam ba bèo as mba kari ngem roi'g mba kari tura loo ge i shi ngina mari esé ngina camion. Mbata loo ge i shi ngina mari bèo lé ra né ge woji do mee kenneng bba maji boo qe mba shi kari ba kenneng el.

Lettre ge mee maktub neelé m'aree to mong yaan mba kartura dumi el. Konataje qe verset-je bbed-bbed m'or dee mee Maktub le Allah, mbata Maktub le Allah bba ma m'oo ge maktub ge or ginn rea unda maktubje ge rang lai. Yee bba meem to yel am mbon versetje bbed-bbed neelé qe mba kar ginn ta ge Allah pa ar ci mee maktub lea ge to qe kemee lé, kemi a kinja ne njai do'g.

Ta le Allah “in dara” to ta ge kem la se deen ge mal meekarabasur ra dee to ge bboo qe kunda mann ra deou bèo. Loo ge deou wa ndôo rea do kaiya'g lem, tel giree ar kaiya lema, om ne mée do Njekajee Jesu Kristi ge do bbengeree'g lem to ndaà, Mbaidombaije a riba do rea ge raga karee lem, a karee ro lel lea qe meekullom lea lem to. Ma nja, né ge bèo teen dom'g 1937. Mee lebje ge bula ge ôré géee lé, ma m'tin qe Mbaidombaije kenneng el to. Boo lee sein raje el bei ndaà, ma m'randôo ro si'g mba kar si osoje gelee'g BACINÈ.

—Watson Goodman (1920–2002)

MEENOJI LE ALLAH

Nê Allah killa meenoji lea kod ge ro ci'g, mbata loo ge jeen nai ge njekaiyaje bei lé, Kristi wei qe mbata le ci. — Romainje 5:8

Ketté bba qe mba kar ndo nain Pâque a qe teen bei lé, Jesu ger gao, kâr kyan nang nee karee tel aou ro Baubee'g teen mban, yeen unda njekeanje ge do nang nee dann kemee'g, yeen ra ne né ge dongo ar dee mba kar do meenoji lea ge yeen ra mbata le dee lé or ne njal. — Jean 13:1

Qe kan Jesu Kristi, njekorginnta ge majikoji lem, qe deouge dongor geteen dann nje ge d'wei'g lema, qe mbai do mbaije do nang nee lem to. Yeen nja unda ci dann kemee'g, togo ne kaiya le ci qe mesee. — Lookillarea 1:5

Njeshiqenean riba do rea am pana: M'undai dann kem'g saar saar qe non; gelee ge nee bba m'wa ne sei nojimeenda. — Jérémie 31:3

— Allah ndigi deouje lai-lai do nang nee, unda dee dann kemee'g bba unn Ngonnee ge ged-ged kara ba ulá ar dee mba kar nana bba ge om méee dea'g ndaâ, a shi qe khem qe non lé, bóo a kudu ndan el. — Jean 3:16

JESU KRISTI TO ALLAH

Né neelé teen togebè mba kar ta le Mbaidom-baije ge yeen ula tâ njetegginnta'g lé aou léee'g béréré ya: Ngomand a koji ngonn ge dingam; d'a kunda ria le Emmanuel, tel ta koji ci, Allah nai se ci. — Matthieu 1:22, 23

Meenda ge ged to nderta ge dumkoo. Yeen ne-elé darea to raga ndegese lem, Ndil bba or gelee lem, kuraje ge dara d'ée lem, deouje d'or goo ta lea d'ar njetar-Allah-je lem, nje ge do nang nee d'om meen dee dea'g lema, d'unnee d'unda loo ronduba'g lea lem to. — 1 Timothee 3:16

Jesu illá kenneng pana: — Ma m'ishi se si le-ou-leou ba nee ya, see i germ el bei wa, Philippe! Yeen ge oom ma ndaâ, oo Baum ya to; nê see ban bba i ulam pana: M'toji si Baudeouje lé bei wa. Ta ge ma m'pa m'pana: Ma lé m'to ge Ngonn mee Baudeouje ya, ar Baudeouje lé kârâ to meem'g to, see i om meei do'g el wa.

— Jean 14:9, 10a

Ketté ge dotar LOGOS shi kenneng... Logos lé tel to ge darodeou, yeen ree shi mbuna ci'g. Noji qe kankemta taa rea pel-pel, jeen j'oo ronduba lea ge kan ngonn ge ged-ged ge to daro Baubee lé ya.

— Jean 1:1 qe 14

JESU TO Ngonn ALLAH

Ta ge pa nai tea'g bei ndaà, mum ree liriri deb do dee'g rigim, ar ndu deou bbar mee mum'g neelé wel pana: — Yeen ge aar neelé to Ngonnm ge ged-ged ge m'undá dann kem'g, yeen to ge ngonnkem ya, taaje ta tea'g. — Matthieu 17:5

Kura ge dara lé illá kenneng pana: — Ndilme-enda a ree kom doi'g, tobei singamong le Nje-shisèmdara'g a deb doi'g rigim ge ndil. Togebe ngonn ge to qe kemee ge i a kojee lé d'a bbaree Ngonn Allah. — Luc 1:35

Yeen ge tea teen pana: Jesu to Ngonn Allah lé ndaà, Allah nai méeen'g, yeen kârâ nai mee Allah'g to. — 1 Jean 4:15

Kristi lé unn kubururo Allah ya lad-lad. — Colossienje 2:9

D'oji ngonn d'ar ci, to ngonn ge dingam, d'a kula domong dea'g lem, d'a kunda ria le Njekula deouje ta ge maji dum lem, qe Allah ge njedum-néje lai lem, qe Baudeouje ge shi qe nean lema, qe Mbai ge njemeekullom lem to. — Ésaïe 9:5

JESU ULA CI LOO KIYEE

Jesu ulá pana: — Ma lé m'to ge njekar deouje teen dokumbwa'g lem, ma m'to ge njekula kheme lé meen dee'g lem to. Nana bba ge om méee dom'g lee wei ge kwei kârâ a tel shi khemba ya.

— Jean 11:25

Sein bbarmje Mbai lem, qe Mbaidombaije lem to, sein bbarmje léee'g mbata ma m'to yeen lé nja to.

— Jean 13:13

Yeen illa dee kenneng pana: — Sein lé sein toje deouje ge bër; nê ma lé m'to ge tar. Sein toje deouje gedo nang nee; nê ma lé m'to ge do nang nee el.

— Jean 8:23

Jesu tel ula dee pana: — Ma m'ula si tesere, ma m'to ge ketté par-par bba Abraham bei.

— Jean 8:58

Tobei Jesu ula dee gosota ge rang pana: — Ma m'ula si tesere, ma lé m'to ge târeoukei le badje.

— Jean 10:7

Jesu illa dee kenneng pana: — Ma m'to muru kon ge deou a shi ne qe khem lé. Nana bba ge ree rom'g ndaâ, bboo a tibi mboree pai el lem, yeen ge rara bba ge om méee dom'g ndaâ kârâ, kundamann a tibi mboree pai el lem to.

— Jean 6:35

NÉMORIJÉ GE NANJE GE JESU RA

Yeen ar deoubulaje neelé d'unda nang do mu'g mburug, yeen odo pil muru ge mi lem qe kanjije joo lem to ndaà, yeen unn kemee ge tar ra ne Allah merci. Géee ge gogo yeen odo pil muru ted danna ar njekwakilláje mba kar dee kai deoubulaje neelé. Deen lai d'on d'ar meen dee ndann tub-tub. D'yan geseé nang d'ar dee mbon budu dog-gire-joo. Deen ge d'on muru neelé d'ain deouje tol-dog-loo-mi. Deen tura dingamje ya dongo, lal tura deenéje qe ngannje.

— Matthieu 14:19-21

Simon tel illá kenneng pana: — Mbai, jeen lé j'os kanji loondul'g ya saar j'ar loo àr do ci'g tesere, j'wakanji ge rendeng el; nê boo lee i nja ulam bée ndaà, kârâ m'a kula bura mann pá koo ya. Loo ge deen d'ula bura mann mban ndaà, kanjije rôso bura le dee njin-njin, ar bura le dee til.

— Luc 5:5,6

Yenn nga njekemtöje joo, d'ishi do ji reou'g; loo ge deen d'oo Jesu a qe des ndaà, deen naa ndia wel pana: — Mbaidombaije, ngonn David, oo kem ci lootondô'g ya kar'i... Yenn nga mee Jesu tosee qe non mbigi-mbigi aree illa jia kem dee'g ndaà, leegeneeya, kem dee inja bereng-ar dee d'oo ne loo, bba ar dee d'om ne nan géee'g d'au bei.

— Matthieu 20:30 qe 34

JESU KRISTI TO NJEKUNDA NÉJE LAI LAI, YEEN TO MBAIDOMBAIJE TO

Mbata bôo-néje ge dara qe nang nee lai, yeen nja bba ge njekunda dee lem, néje ge kem koo qe néje ge dumkoo lem, kalimbaije lem qe monbbe-eje qe deoudoolooje lema, qe njekonbbeeje lem to. Yeen nja bba ge njekunda dee lem qe mba kar dee to kean yeen nja dongo dôï. — Colossienje 1:16

Allah... ndea ge gogo nee, yeen pata ar ci, nê Ngonnee bba ria ne se ci dea. Yeen neelé bba Allah unda ne nang nee lem, aree to njenéje lai lem to. — Hebreuje 1:2

Mbata Kristi wei, nê yeen tel shi khemba bôo qe mba to ne mbai do deouje ge d'wei lem, qe deen ge d'aou khemba lem to. — Romainje 14:9

Yeen bba unda néje lai-lai, né ge rara kârâ yeen bba to njerea. — Jean 1:3

Allah to njemeendalondon ya, yeen nja bba bbar si om si nan'd sad qe Jesus Kristi Ngonnee ge to Mbaidombaije le cijeen lé.

— 1 Corinthienje 1:9

— Bêe bba maji kar Israëljje lai ge kojikei ger gao, to ge Jesu nee ge seinddareeje lé, Allah nja undá ge Mbaidombaije lem qe Kristi lem to.

— Neranjekainkulaje 2:36

JESU KRISTI A KOR KEM TA LE CI LAI

Baungonnje lé a gang ta do deou'g el, nê yeen mbon taree om ji Ngonn'g lé lai mban.

— Jean 5:22

Togebê bba Jesu neelé unn ndia ar ci qe mba kar ci j'illa ne mbér j'ar bôo-deouje qe mba kar dee d'oo gao, to ge yeen nja bba Allah oree unda ge njera reouta le deouje ge d'aou khemba lem qe nje ge d'wei lé lem to.

— Neranjekainkulaje 10:42

Yee bba Allah nja a kar Jesu Kristi unn deouje do néra goo ngein le dee, ndea ge yeen woji qe goo tagemaji lé ge m'ula si mban.

— Romainje 2:16

Ma m'togi non Allah'g lem, qe non Jesu Kristi'g ge a qe ree qe singamong qe mba ra bbeekon lea, gang ne reouta dodeen ge d'ishi khemba lem, qe deen ge d'wei'g lem to.

— 2 Timothee 4:1

Bêe nga, see ban bba i gang reouta do ngokoin'g wa. I ge nenn lé to, see ddi to bba i ndöl ne ngokoin wa; mbata jeen kara-kara lai j'a tos do nan loo sariya'g le Allah.

— Romainje 14:10

Ginnkoji deouje-deouje d'a mbon nan nean'd, bba yeen nja a kor kem dee to ge njekulbadje or ne kem badje lea qe byanje lea lé bêe bei to.

— Matthieu 25:32

JESU KRISTI BBA GE NJEKÔGA DO CI

Jesu illá'g pana: — Ma nja m'to ge reou lé lem, qe kankemta lé lema, qe khem lé lem to. Lee deou ge rara bba ree qe reou ge rom'g el kârâ yeen a teen ro Baum'g el to. — Jean 14:6

Gelee ge nee bba ma m'ula si ne m'pana: Sein a kweije dann kaiya'g le si; mbata boo lee sein omje mee si dom'g to ge ma lé m'to ge deou ge bête lé el ndaâ kârâ, sein a kweije dann kaiya'g le si ya. — Jean 8:24

Yee bba, yeen to ne deou ge maji or njorong, tum ne ginn kaji ge a to qe non. — Hebreuje 5:9

Yee ge bête bba, yeen askem kaji dee ne, deen ge mbol dea bba deen rem ne per ge ro Allah'g, a kaji dee ne kor njal, mbata yeen to njeshikhe-mba saar-saar qe non mba ra reouta le dee-deen kar dee ya. — Hebreuje 7:25

Deou ge rang kara kârâ ge kaji a kin rea'g lé goto. Boo lee sein a kaouje rara ginn dara qe do nang nee mbuna deouje'g lem kârâ sein a kooje ri deou ge rang qe mba kunn kaji ne goto.

— Neranjekainkulaje 4:12

JESU KRISTI BBA GE NJEKÔGA DO CI

Luc 19:10

Mbata Ngonn-deoulé ree qe mba ndôlé yeenge ndem igi qe mba karee aji ya.

Lookillarea 5:9

Deen d'os pa ge cigi pana: — I nja askem taa maktub qe mba tor nérend tea, mbata deen d'injai ge mes; i ôga ne deouje qe mesi ar Allah, or dee ne qe gelbbee deouje-deouje lem, qe deouje ge tapa dee qe ria-ria lema, qe ginnkoji deouje-deouje lem to.

Tite 2:14

Yeen neelé yan rea ar yoo mbata le ci, mba kôga ne néra ci ge yèr ge rara kârâ lem, qe mba togo ne wenn ci kor bbendere-bbendere kunda ci ne ge bôo-deouje lea yeen nja dongo dôï qe mba kar ci j'os ne ro ci bbad-bbad do néraje ge maji'g lem to.

Colossienje 1:12-14

Bausije ge gol si mba kar si ingaje nédoji le si nan'd qe deen ge to qe kemee ge d'ishi dann lookâr'g lé, maji kar si reaje merci. Yeen wa ci ogedo or ci ji singamong kan loondul ge ndul njudu-njudu gedeb do ci'g rigim; yeen odo ci om ci bbeekon'g le Ngonnee ge to ngonnkemee lé, to yeen ge ôga do ci or ne kaiya do ci'g.

MES KRISTI BBA OM CI NAN'D QE ALLAH

Togebè bba bacinè mesee or ne ta do ci'g lem, yeen nja bba a kor ci dann ong'g kar ci j'aji ne lem to.

—Romainje 5:9

Mesee yee nja bba, jeen ge j'om sea nan'd lé j'inga ne nékoga do ci ge j'or ne kaiya do ci'g. Yee bba ge bôo-noji ge Allah om do ci'g yol-yol.

— Ephesienje 1:7

Sein gerje gao, néje ge a qe tuji asena qe larnda esé larlor, yee bba deen d'ôga si ne d'or si ne dann mbë'g ge kasije d'yan si kenneng el Nê mes Kristi ge gadee dum ndogo bba, deen d'ôga si ne. Kristi ngonn bad lé, rea minan el lem, rea illa bbal el lem to. — 1 Pierre 1:18,19

Boo lee jeen njaa dann kârâ to ge yeen nja nai dann kârâ lé ndaà, jeen j'om mee ci sea nan'd sad ya; bèe bba mes Jesu Ngonnee or ne wenn kaiyaje le ci bbendere-bbendere lem to.

—1 Jean 1:7

Nê yeen nja in qe méeé yan rea ar Allah, qe goo reou ge Ndil njeshiqenean tojee, see mesee a kor wenn néra si ge qe mindé mee si'g mba kar si waje Allah ge njeshikhembalé mee si'g el wa.

— Hebreuje 9:14

MEEKUNN BBA DEOU A KINGA NE KAJI GINN KRISTI'G

Togero ya, noji bba sein ajije ne goo meekunn'g le si; to né ge Allah bba ar si bóo to né ge in ro si sein'g el. To kula ra deou bba el, bèe ndaà deou a nduba ne rea el. — Ephesienje 2:8, 9

Mbata deen ge d'om qe Kristi nan'd yeg lé, bennkinja esé bennkinja el kârâ, to ge né el; nê meekunn lé ge meenoji os ginnee bboin-bboin lé yee bba ge kankem né ya. — Galateje 5:6

Yeen ge rara ge Allah ojee lé ndaà, a dum do looge nang nee; meekunn le ci bba j'a dum ne loo ge nang nee, kunn ne banga. — 1 Jean 5:4

Deen dejee pana: — See j'a ra ban qe mba ra ne kula le Allah wa. Jesu illa dee kenneng pana: — Kula le Allah bba to nee: Omje mee si do yeen ge yeen ulá'g lé. — Jean 6:28, 29

Nê ta néje neelé deen ndang kenneng qe mba kar si omje ne mee si do Jesu to ge yeen to Kristi, Ngonn Allah lé to; boolee sein omje mee si dea'g ndaà, mbol do ria bba sein a shije ne qe khem lé to. — Jean 20:31

MEEKOSOLEMSÉ LE ALLAH

To ge kin nang nee kaou ge dara lé rudee goto, meemaji lea kârâ rudee goto mbata le deen ge bbelee lé bête... Meemaji le Njeshiqenean lé to saar-saar mbata le njebbeleeje lé, meekorjol lea lé to saar-saar mbata le ngann mee ngann deeje ya to. — Psaume 103:11 qe 17

Meemaji le Njeshiqenean lé loo kuru gelee goto lem, meekorjol lea kârâ rudee unn ddiào el lem to. Qe ndo kara kara lai d'in do maree ge ketté-ketté. Meemaji lei lé taa loo pel-pel ya!

— Lamentationje 3:22, 23

Mbata meemaji lei lé taa loo njal teen gwoi dara'g lem, kankemta lei taa loo njal teen loo kil ge le ndi lem to. — Psaume 108:5

Meekorjol lea lé, qe baptême ge yeen sugu ci ne bba yeen oji ci ne gogo ar Ndilmeenda taa ne mee ci yal-yal; jeen j'aji ne ginn Jesu Kristi nje-kaji ci'g bôo to kula ra ci ge maji bba el.

— Tite 3:5

I Allah i ar meei oso lemsé do néra ge ndoji pödödö'g le deouje lem, i ar meei ti mbiti do kaiya le deen ge tonédoji lei lem to. See nag ge ra bba a to gari wa. Ong lei a nai qe non el lem, meekorjol lei lé leli mba ra qe deouje lem to.

— Michée 7:18

ALLAH BBAR CI GE REA'G

Ndil lé, qe njengao cigi lé pata pana: —Ge ree. Yeen ge oo maji ndaâ, aree pa togebê to. —Ge ree. Yeen ge kundamann tolee ndaâ, maji karee ree taa mann kheme ge ain teen kuji-kuji lé ai, m'a karee ge kar ya, bôo yeen a ndogo el.
— Lookillarea 22:17

Ndo ge rudu nain unn ddiao ge to ndo ge bôo lé, Jesu in aar tar dann dee'g illa bôo-ndia nang be-gege pana: — Lee nana bba kundamann tolee ndaâ, maji karee ree rom'g qe mba kai.

— Jean 7:37

Sein lai ge kunda mann tol si lé, ge reeje tâ mann'g. Yeen ge lar goto jia'g kêrâ, maji karee ree, a kinga né lem, a so né lem, a kinga mann kand nduú qe mbâ mang, a kinga lal kôga lar lem, lal kar né lem to.

— Ésaïe 55:1

Ge reeje ar ci j'wojije nan ta, Njeshiqenean pa bei. Boo leekaiyale si kas asena qe nibadai bête kêrâ mee si a ndakelu-kelu asena qe keouje bête; boo lee deen kas njir-njir kêrâ d'a tel nda to ge bin kubu bête.

— Ésaïe 1:18

—Reeje rom'g, sein ge nêkodo ge woi to do si'g ar si daoje ne bba m'a kunn do si'g.

— Matthieu 11:28

DEOUJE LAI LAI TO NGANN ALLAH-JE EL

Yee ge b e bba Mbaidombaije pana: Undaje loo mbuna dee'g teenje; saje ro si ro dee'g ge gogo, tibije mbor n e ge minan l e el. M'a kwa si ge rom'g, ma m'a to bausije, sein a toje ngannmje ge dingam qe nje ge denn e, Mbaidombaije ge njesingamong bba pa b e.

— 2 Corinthienje 6:17, 18

Yee neel e bbad'a ger ne ngann Allah-je qe kan njekurai l e lem to; nana bba ge ra n e ge lal najee nda , yeen to ge kan Allah el; yeen ge lal kunda ngokean dann kemee'g nda  k ar , yeen to ge kan Allah el lem to.

— 1 Jean 3:10

Togeb e bba, sein a shije qe takarak ar  do si'g el lem, mee si a killa bbal el lem to; b e bba sein a toje ngann Allah-je ge njemeekarabasurje mbuna ginnkoji deouje ge to njekaou k ori-k rije qe njend oji p d d je lem, sein a ndoinje dann dee'g asena qe perngel ge ndog  loondul'g.

— Philippienje 2:15

N e deouje ge rara bba ge d'wa ge ro dee'g d'unda meen dee do rai'g nda , yeen nja ar dee singa qe mba kar dee tel to ne ngann Allah-je.

— Jean 1:12

TA GE ALLAH PA WOJI NE DO KIDO KAI

Deen ge teen qe ndo rad ndôlé goo nékaije ge askem tos dee nang lé, kidolé a tol dee ketté bba loo a ndul do dee'g bei. Deen nja bba némeekon a ra dee. — Ésaïe 5:11

Néraje gekandaro lé to raga pai-pai ya, deenje bba to nee ya: Modkaiya lem, qe kemnda lem, qe kaou kôri-kôri lem, qe pôlémagje lem, ra mbeenlem, qe tos ta lem, qe kol nan lem, qe rani lem, qe kwa ban ta lem, qe kos ta tâ nan'd reou lem, qe tin nan noji lem, qe kwa ro mbidi gang lem, qe kemkein lem, qe kaou ge deou-kido lem, qe néra gendel-ndel lema, qe néje ge rang ge as se dee togebè lé lem to. Mam'ula sitesere to ge ma m'ula si ketté lé tobei to, deouje ge d'ishi dann néraje ge togebè'g ndaà, d'a killa gol dee bbeekon'g le Allah kinga nédojije kenneng pai goto. — Galateje 5:19-21

Loo gekido kas njir-njir mee ka'g ar emee in kenneng njem-njem ar dea illambir lé, maji kari oo el. Mbata rudee lé a toin asena qeli bee lem, a kundai asena qe mbainyi bèe lem to.

— Proverbes 23:31, 32

RA NÉ GE MAJI BBA AS EL

Mbaidombaije Allah lei lé, i a kundá dann ke-mi'g ndigee do bbengeri'g lem, qe kankemroi bura lema, qe takenji lei bura lem to. Yee bba ge godndu ge dongor ge uru do mareeje'g.

— Mattieu 22: 37, 38

— Mbai ge maji, see ddi bba m'a ra mba shi ne qe khem ge qe non lé wa. Jesu illá kenneng pana: — See ban bba i bbarm deou ge maji wa. Allah kara ba kiao bba to deou ge maji ya. I ger ta godnduje lai ge pana: "I a ndal modkaiya el lem, i a tol deou el lem, i a bbogo el lem, i a ted ta kunda tâ mari'g el lem, i a bengere mari el lema, tedkag baubi qe koin lem to." Deou neelé tel illá kenneng pana: — Mbai, loo ge ma m'nai basa bei lé ya, m'tos kem goo néje ge neelé m'ra saar bacinè. Jesu aa kemee gere undá dann kemee'g ulá pana: — Né kara lali bei. Od aou ndogo néje lei, yan laree ar njendôoje, mba kinga nébao lei bbee ge dara, bba od ree goom'g bei. Loo ge deou neelé oo ta neelé ndaà, yeen mi mbidi-mbidi, od mbiring; mbata yeen to ge njenébaoje ge turu do loo.

— Marc 10: 17-22

Kem deou'g lé reou ge bèe bba maji mba njaa kenneng, nê rudu reou neelé to yoo.

— Prov. 16:25

ERJE KEM RO SI EL

Arje deouje su kem si qe sutaje el; mbata néje ge togebè bba tokaiyaje ge or ong la Allah om do njekaltaje'g. — Ephesienje 5:6

Nganmje, maji kar deou kara kârâ su kem si el; yeenge ra né qe goo rebee ndaâ, yeen to nje-meekarabasur to ge Kristi to ge njemeekarabasur bèe to. Yeenge ra kaiya ndaâ, yeen to ge kan nje-kurai, mbata njekurai lé unn kudu ra kaiyaketté ge dotar saar bacinè. — 1 Jean 3:7, 8a

Boo lee deou enji ta méeen'g pana: Neen n'to ge deou, nê yeen to ge deou ge ein el ndaâ, yeen nja kogo rea ya. — Galateje 6:3

Kankemtage sein ooje lé, raje néee bóo, taaje ge cinn kari el; bóo qe mba kerje ne kem ro si el. — Jacques 1:22

See sein gerje el wa, njera nékôri-kôrije lé d'a kwa bbeekon le Allah ge nédoji le dee el. Erje ro si el: njekaiyaje esé qe njepôlémagje esé qe njendal-modkaiyaje esé qe njetelro dee ge dennéje esé qe ramdeouje esé qe njebbogoje esé qe njekonlaolarje esé qe njerabberlekidoje esé qe njetajikilje esé qe gaim-deouje lem to; deenje neelé d'a kinga nédoji le dee bbeekon ge le Allah pai goto. — 1 Corinthienje 6:9, 10

KAIYA OJI YOO

Tobei malee lé a keskèm bba a koji kaiya bei. Kaiya lé loo ge yee tog or léee njal mban ndaà, yee oji yoo to. — Jacques 1:15

Takenji ge in daro'g lé, yel kô-yoo, nê takenji ge kan Ndil lé, yel kô kheme lé lem qe kô meelom lem to. — Romainje 8:6

Deou ge ra kaiya lé yeen nja bba a kwei. Néra kôri-kôri le baungonn a kwa do ngonnee el lem, néra kôri-kôri le ngonnn kârâ a kwa do baubee el lem to. Meekarabasur le njemeekarabasur lé a to kean yeen ya lem, néra ge ndöji pödödö le nje-rané ge ndöji pödödö kârâ a to kean yeen lem to. — Ézéchiél 18:20

Ra rolel qe kalro le ci lé j'al léee'g ya, mbata ngokoin nee ge wei lé, yeen teen dokumbwa'g lem, yeen ndem igi nê j'ingá mban lem to. — Luc 15:32

Togebè bba meekarabasur or non deou teen sea loo ge khem to kenneng, nê yeen ge ndôlé goo néra ge majel lé yeen a dar yoo. — Proverbes 11:19

Togebè bba deou kara ba or reou ar kaiya oso do nje ge do nang nee, bbad bba ar yoo ôré géee oso ne do deouje ge do nang nee lai; mbata deouje lai ra kaiya ar kal dee kara kârâ nai el. — Romainje 5:12

KRISTI DUM DO YOO

Yeen ree per ge tâ tira-yoo'g lé örö qe jia. Deen ge njekodeeje lé rem d'os gol dee d'aar nang to. Yenn nga Jesu ulá pana: — Ngonn basa, ma nja m'unn ndum m'ari, uba nang inta ya! Yoo lé uba nang in shi tar shi pata. — Luc 7:14, 15

Loo ge yeen pata neelé mban ndaâ, yeen pata qe ndia ge boi wel pana: — Lazare, unda loo teen raga! Yeen ge wei lé unda loo teen qe kubu ge deen kë ne golee qe jia qe yee ge d'onn ne kemeeje lé bura mongongo to. Jesu ula dee pana: — Tudeeje yânje areeje od aou. — Jean 11:43, 44

— Bbel el, ma m'to deou ge dotar lem qe rudu lem to. Ma m'to njeshikhemba. M'wei ketté mban, nê aa oo, m'ishi khemba qe lebm-lebm qe non. Clefs ge kan yoo qe kan bbee le yoo lé m'wa jim'g. — Lookillarea 1:18

Gelee ge nee bba Baum undam ne dann kemee'g, mbata m'yan rom m'ar yoo qe mba teen kemee'g njorong. Deou kara kârâ askem karm m'wei el, ma nja m'yan rom m'ar yoo qe dorom; m'askem kyân kar dee lem m'askem teen kemee'd lem to. — Jean 10:17, 18

GODNDU ALLAH

I a kodo magje ge rang kôré dom ma'g joo el.

I a tol kag mba ra ne mag el; né ge rara kârâ i a kunn mba ra ne mag el to.

I a kunda barmba deb kemi nang non dee'g el lem, i a kula roi ndôo mbata le dee el lem to.

Allah lei ge Njeshiqenean lé, maji kari bbar ria ped-ped asneloo el: mbata yeen ge bbar ria ped-ped bête lé Njeshiqenean a lal kar bon nérea oso tea'g el.

Ndo-kwa-ro lé, ar meei to do'g bururu mba kunda qe kemee to ge Njeshiqenean Allah lei lé unn ndia ari mba ra. I a ra kula as ndo misa bba qe mba tol nekula lei. Nê ndo siri to ndo-kwa-ro le Njeshiqenean Allah lei. . .

Tegkag baubi qe koin to ge Njeshiqenean Allah lei lé unn ndia ari mba ra bôo qe mba kar kuri a keou ne do nang nee lem, qe mba kar roi leli ne lem to.

I a tol deou el. I a kog roi do modkaiya'g. I a bbogo el. I a ted ta kunda tâ mari'g el.

I a ra kemkein do deené le mari el lem, dokei lea el lem, qe ndö lea el lem, qe do ngonnjekishi lea ge dingam esé yeen ge denné el lem, mang lea esé mulayeen lea el lema, qe né ge rara ge ta kan mari nja dongo lé, i a ra kemkein do'g kara bête el lem to.

— Deutéronome 5:7-21

I ASKEM KIYA ROI KEM ALLAH'G EL

Néra deouje lai lem, qe panjaa le nana kârâ lem to lé, kem Allah unn lad-lad. Loo ge ndul njudu-njudu kenneng esé loo gendil yoo deb do'g kârâ, njera né kôri-kôri a kinga loo kiya rea kenneng kem Allah'g el. — Job 34:21, 22

See deou a kiya rea njon loo'g lal kam m'éeewa. Njeshiqenean pa bée. See ma m'unnloo ge dara qe loo ge do nangnee lad el wa. Njeshiqenean pa bée. — Jérémie 23:24

Kem Njeshiqenean unn loolad, yeen oo nérale njerané ge ndöji pödödö lem, qe nérale nje-meemajije lem to. — Proverbes 15:3

Né ge rara ge a kiya rea kar dee d'a lal teg ginnee ge raga el lé gotolem, esé né ge rara ge d'a kiya qe ngein ge d'a lal geree esé teen ne ge raga el lé goto to. — Luc 8:17

Boolee m'a kin kaou daraje'g kârâ, i shi kenneng genn, boo lee m'a kaou kishi mbuna nje ge d'wei'g kârâ, i aar kenneng genn to... Loo ge ndul njudu-njudu lé ndul pi kemi'g el, àr kemi'g njai-njai asena qe lookâr bée.

— Psaume 139:8 qe 12

BON NÉRA NJENDOL ALLAH-JE A KOS TÂ DEE'G QE NON

Ngonn-deou lé a kula kuraje lea ge dara mba kar dee ree tor né ge njetuga gol dee lem, qe deen ge njera néje ge yèr lé lem to; d'a tor dee bbogedo-bbogedo. D'a kom dee dann per ge kunjee teen gi-gi'g; to loo ge d'a non qe mannkem dee jiim-jiim kenneng lem, d'a so ngang dee kenneng pegere-pegere lem to. — Matthieu 13:41, 42

— Deenje neelé d'a kod kaou loo ge bon néra dee a kos tâ dee'g kenneng qe non. Njemeekarabaturje lé d'a kod kaou shi looshikhemba'g le dee qe non to. — Matthieu 25:46

Ta ge teen tâ Allah'g lé ar dara qe nang d'wane ro dee ngina ne per ge a kon dee ndo sariya'g, ndo ge deouje ge néra dee to qe gookan Allah el, d'a tuji ne lé to. — 2 Pierre 3:7

Njemeeyèrje tel kem dee par ge bbee le nje ge d'wei. Deen bba to ginnkoji deouje-deouje lai ge meen dee unda pudum do Allah'g. — Psaume 9:18

Boo lee jii esé goli bba odi loo kaiya'g korom ndaà, inja bad gang unda piring illa kö; aou qe jii dum esé ge med-deouge loo ge a shi khem kenneng lé, maji unda kaou qe jii bör esé goli bör kar dee d'wai d'illai dann per ge a kon bilim-bilim qe non.

— Matthieu 18:8

NDO SARIYA NAI NON DEOUJE'G BEI

To ge deouje d'wei gol kara ba bba ndo sariya a teen do dee'g bei qe goo reou ge Allah bba woji.
— Hebreuje 9:27

Mbata yeen unda ndo ge yeen a qe ra sariya qe goo rebee do nang neelé lem, deouge nje ra sariya lé kârâ, yeen unda dôi lem to.
— Neranjekainkulaje 17:31

Togebè bba nana kârâ a kaar non Allah'g qe mba kula goo néje ge yeen ra lé to.
— Romainje 14:12

To ge yeen to gedeou ge bèe lé ndaà, maji kar cijeenkârâ n'toje ge deouje ge bèe do nang neelé to; yee bba meenoji lé akor nedo mee ci'g, mba kar ci j'aar ne nean'g ndo sariya'g lé qe meendakain bôo qe kaar ged el.
— 1 Jean 4:17

Mbata lee riri kârâ jeen lai j'a kaar loo sariya'g le Kristi, bôo qe mba kar nana kârâ a kinga né ge woji do maji esé qe majel ge yeen ra loo ge yeen nai ne qe darea bei lé to.
— 2 Corinthienje 5:10

Mbaidombaije askem kor deouje ge néra dee aou qe goo kan Allah lé dann né ge naa dee'g, nê yeen a kar bon néra njera nékôri-kôrije os tâ dee'g ngina ne ndo sariya lé.
— 2 Pierre 2:9

NOJI LE JESU KRISTI

Maji ra Allah merci mbata nénoji lea ge maji dum ge yeen ar si lé to. — 2 Corinthienje 9:15

...Allah os njebeeléje reou, nê yeen wa noji ge njekula do deeje. — 1 Pierre 5:5b

Mbata sein gerje noji le Mbaidombaije le ci Jesu Kristi, yeen ge to bao, nê yeen tel osokul ge mbata le sije lé ge mba kar ndôo-koo lea tel to nébao le si. — 2 Corinthienje 8:9

Njekainkulaje lé d'or goota teen dokumbwa'g le Mbaidombaije Jesu d'aree bbar min yaan. Deen lai d'ishi dann bôo-meekullom'g.

— Neranjekainkulaje 4:33

Yee neelé to né ge deou woji méeen'g el lem, to né ge deou ain ngwodee el lem to. To né ge kan Allah ge njemeekorjol lé ya. — Romainje 9:16

Nojikwa lé, dum dokalta mbata to kalta le deou kara ba deouje bula d'wei ne lé, nê bbed bba see noji le Allah, ge nénoji ge yeen ar Kristi wa ge deouje lé, see a kal do loo sula el wa.

— Romainje 5:15

KWA NDÔO RO DO KAIYA'G

Kaltaje le si ge ar si ra je ne kaiya lé osje ro si'g reou; mee si lem, qe takenje si lem tolé, a kar deeje to ge cigi. Seinje ge to kei-Israël lé, see ban bba sein a kweije wa. — Ézéchiél 18:31

Nékemndôo ge Allah nja woji bba deou a kwa ne ndôo rea do kaiya'g lea bba a teen ne reoukaji'g, bôo a tel kom red gogo el nga. Nékemndôo ge kan nang nee bba oji yoo. — 2 Corinthienje 7:10

— Waje ndôo ro si do kaiya'g le si, mbata bbeekon ge dara nai deb ba nga. — Matthieu 3:2

— Bêe ndaà waje ndôo ro di do kaiya'g le si osje badm telje mba kar kaiya le si or ndos-ndos, bêe bba sein a shije ne dann loo ge kul'g ge in ro Mbaidombaije'g.

— Neranjekainkulaje 3:19

Ndo ge deouje ra némbë kenneng neelé, Allah unnkemeé do'g reou. Nê bacinè yeen bbar dee qe loo lai-lai mbakar dee d'wa ndôo ro dee do kaiya'g.

— Neranjekainkulaje 17:30

Wah! bêe el bei; ma m'ula si tesere ya. Boo lee sein a kwaje ndôo ro si do kaiya'g le si el ndaà, seinje lai lé sein a kuduje togebè ya to.

— Luc 13:3

NÉKOGE GE OR KAIYA DO DEOUJE'G

Allah unnee qe jikolee undá tar aree to ge Mbaido-deouje lem qe njekaji deouje lem to, qe mba kar Israëlje d'wa ne ndôo ro dee do kaiya'g le dee lem, mba kar méee ti ne mbiti do'g lem to.

— Neranjekainkulaje 5:31

Bèe ndaà, in qe roi rad, wa ndôo roi do kaiya'g lei. Aa oo, m'aar tâkei'g m'unda tâ bidi. Boo lee nana bba ge oo ndum or tâkei am ndaà, m'a kand kei lea yeen, m'a kon sea muru lem, yeen kârâ a kon sem muru lem to.

— Lookillarea 3:20

— Boo lee mee si ti mbiti do meekosgel'g le marsije lé ndaà, Bausije ge shi dara lé a kar méee ti mbiti do kan si sein'g to.

— Matthieu 6:14

Jesu oo meekunn le dee al do loo sula ndaà, yeen ula njerokon neelé pana: — Ngonnm, kaiya lei or doi'g mban.

— Marc 2:5

Maji kar njera né kôri-kôri uba reou ge yeen njaa kenneng yan lem, maji kar njerané ge ndö-ji pödödö yan goo takenji lea lem to: maji karee os badm tel ge ro Njeshiqenean Allah le ci, mbata yeen nja a kar méee oso lemsé dea'g lem, yeen a lal kar méee ti mbiti do kaiya'g lea el lem to.

— Ésaïe 55:7

NÉJE GE KAN NANG NEELÉ SAJE RO SI KENNENG

Togero ya meenoji le Allah killa rea ge raga ndegese mbakar deouje lai d'aji ne kebere. Noji neelé ndoo ci mba kar ci mbat néje ge aouqe gookan meendale Allah lé el lem, qe mbat mal néje ge ra deouje lem to. Yee ndoo ci mba kar ci j'ishi mbuna deouje ge do nang nee bacinè lé j'unda ne kemkâr do ro ci'g lem, n'ra ne né ge to qe do najee lema, qe n'ra ne né ge to qe gookan meenda le Allah lé lem to. — Tite 2:11, 12

Togoje ro si, orje ne wenn né ge to ro si'g, néra kôri-kôri le si lé odje ne kem'g; eouje ro si raje né majel. — Ésaïe 1:16

Néje ge woji do bbee ge tar bba ulaje ro si kenneng mbiriri, bóo néje ge nang nee bba a kulaje ro si kenneng mbiriri el. — Colossienje 3:2

Nang neelé undáje dann kem si'g el lem, néje ge to kenneng kârâ unda deeje dann kem si'g el lem to. Boo lee nana bba lé unda nang nee dann kemee'g mban, meenoji le Baudeouje goto méeen'g. Togero ya, néje lai ge do nang neelé mbon nan ginn munta. Kemnda lem, kemkein lema, qe kesta ge deouje ti ne ro dee lem to; néje neelé d'in do nang nee bóo d'in ro Baudeouje'g el.

— 1 Jean 2:15, 16

KOJI GE CIGI

Ta le Allah ge to ta gekhemba qe non ge yeen oji si ne unda nekô si ge a to qe non bôo a kunda nang el. —1 Pierre 1:23

Jeen n'ger gao, to ge nana bba ge Allah ojee lé ra kaiya el, bêe bba yeen ge Allah ojee lé aa rea ker-ker ndaà, njetakôri lé a koo loo qe mba kwá ne peb el to. —1 Jean 5:18

M'a kar si mee si ge cigi lem, m'a kula takenji ge cigi bba mee si'g lem to; mee si ge kedere asena qe mbal lé, m'a kor ro si'g lem, m'a kar si kankem meelom lem to. —Ézéchiél 36:26

Jesu tel illá kenneng pana: —Ma m'ulai tesere, boolee deou a tel kar dee d'ojee gogo cigi el kârâ yeen a kaskem koo bbeekon le Allah qe kemee el. —Jean 3:3

Boo lee deou om nan'd qe Kristi ndaà, yeen to deoukunda le Allah ge cigi ya. Bbuga néje ge leou lé sané kad mban, aa ooje, néje lai tel to né ge cigi ya. —2 Corinthienje 5:17

Boo lee sein gereeje ge njemeekarabasur gao ndaà, maji kar si gerje gao nana bba ge ra né ge to qe do najee ndaà, Baudeouje nja bba ge njekojee. —1 Jean 2:29

**WAJE RO SI GE YOO-DEOUJE DO KAIYA'G
OOJE RO SI GE NJESHIKHEMBAJE GINN KRISTI'G**

Sein weije yoo-kalta le si lem qe yoo-kaiyaje ge sein yanje ro si kenneng yag kette lé lem to. . . Jeen ge j'om nan'd qe Kristi lé, yeen ar ci j'unda loo teen looyoo'g nan'd ar ci j'ishi ne sea nan'd loo ge dara. — Ephesienje 2:1 qe 6

Bèe ndaâ, boo lee sein teenje qe Kristi nan'd ndaâ, sangje néje ge woji do bbee ge tar loo ge Kristi shi kenneng do jikol Allah'g. — Colossienje 3:1

Yeen nja in qe méeee odo kaiyaje le ci om dea'g aou ne kaar kag'd, mba kar ci j'oo ro ci ge yoo-deouje do kaiyaje'g le ci, qe mba kishi khemba do meekarabasur lé. Dôo ge yeen inga lé ge kuman kar tâ dôo kaiyaje le ci er ne kemse. — 1 Pierre 2:24

Deen ge to ge kan Jesu Kristi lé, d'wa daro dee qe mal né ge rea lem qe né ge ula per meen dee lé lem to, d'wa bura ddar kaar kag'd ya.

— Galateje 5:24

Wah! bèe el. Jeen ge j'wa ro ci qe yoo-deouje do kaiya'g n'sa ro ci kenneng reou mban, see j'a tel shi kenneng qe mba kula ro ci dannee'g looge ra tobei wa. . . Seinje kârâ to ge sein waje ro si ge yoo-deouje do kaiya'g lé, sein a kooje ro si ge njeshikhembaje ginn Jesu Kristi'g mbata le Allah lem to.

— Romainje 6:2 qe 11

KHEM GE QE NON

Ma m'ula si tesere, nana bba ge oo tapam unda ne méee do yeen ge njekulam'g ndaà, yeen shi qe khem qe non lé mban to, nê yeen a tibi mbor sariya el; yeen unda loo yoo gang uru loo ge shi qe khem lé mban. — Jean 5:24

Mbata nékôga do ji kaiya lé to ge yoo, nê nojikwa le Allah ge yeen wa se ci lé, to khem ge qe non lé ge j'a kingá loo kom nan'd qe Jesu Kristi Mbaidombaije le cijeen lé. — Romainje 6:23

Ger ndaai i Allah ge ged kara ba kiao lem qe ger ndaa Jesu Kristi ge i ulá lé, yee nja bba ge khem ge qe non lé to. — Jean 17:3

Yeen ge om méee do Ngonnee'g lé, shi qe khem qe non lé mban; nê yeen ge mbat kom méee do Ngonnee'g lé saar ndaà, yeen a koo loo ge a kishi qe khem lé qe kemee el. Nê ong le Allah a nai dea'g ya. — Jean 3:36

Né ge deou dubu lé a kinga néee ya. Deou ge dubu né ge woji do daro ndaà, né ge woji do daro ge a kunda nang lé bba yeen a kingá ya; nê yeen ge dubu né ge woji do Ndil lé ndaà, Ndil lé bba yeen a kishi ne qe khem ge to qe non lé to.

— Galateje 6:8

NÉ KAR MEE DEOU OSO NANG PON DO KAJI'G

Allah nja ula Ndil Ngonnee mee ci'g mbata jeen n'to nganneeje, yee bba yeen pa qe ndia wel pana: Abba! Baum. — Galateje 4:6

Yeen ge shi qe godndumje bba aa do dee ker-ker lé ndaã, yeen to ge njekundam dann kemee'g ya; yeen ge to ge njekundam dann kemee'g lé, Baum a kundá dann kemee'g ya lem, ma kârâ m'a kundá dann kem'g ya lem to; m'a riba sea do rom tesere ya. — Jean 14:21

Ndil bba oso ginn ndil ci'g pana: Jeen n'to ngann Allah-je. — Romainje 8:16

Ngannmje, ar ci ndigije nan qe nojikwa ge tâ ci'g kari ba el; kankem nojige j'wa qe nan lé, yee bba j'unda ne nandannkem nan'd ya. Yee bba j'a ger gao, jeen n'to ge kan kankemta ya, mee ci oso lemsé nean'g to. — 1 Jean 3:18, 19

Yee ge bête bba jeen n'geree ne, to ge jeen nai méeen'g, yeen kârâ nai mee ci'g to, mbata yeen ar ci Ndilee. — 1 Jean 4:13

KRISTI GE SHI KHEMBA MEE DEOU'G AR ROLEL LE DEBEE NEELÉ OR NJAL

Mbata bbeekon le Allah lé to mba néso esé nékai bba el, nê meekarabasur lem qe meelom lema, qe ro lel lem to; néje nee ge Ndilmeenda ar ci lé bba woji do bbeekon le Allah to.

— Romainje 14:17

Ma m'ddar rom qe Kristi nan'd; boo lee m'ishi khemba ndaâ kârâ, to ma el nga, nê Kristi bba shi khemba meem'g; boo lee m'ishi khemba qe darom bacinè ndaâ kârâ, mee kunn ge m'unn m'ar Ngonn Allah lé bba m'ishi ne khemba. Yeen nja bba undam dann kemee'g, yan rea ar yoo mbata lem to.

— Galateje 2:20

Ma m'pa ta néje neelé m'ar si qe mba kar ro lel lem nai ne mee si'g bôo qe kar do ro lel le si or ne njal to.

— Jean 15:11

I am m'ger kem killa-reouje gekan kaou ken-neng khemba lé gao ya. Kishi ge deou a shi ne noin'g lé a to ro lel ge al do loo sula ya lem, kishi do jikoli'g lé kârâ a to bôo-ro lel ge ged qe non ya lem to.

— Psaume 16:11

Nê bacine lé m'ishi m'aou ge roi'g ya; ta néje neelé ma m'pa nang nee mba kar do ro lel lem ge njekor njal lé to ne meen dee'g.

— Jean 17:13

KILLA KOJI DO MBAIDOMBAIJE BBA GE KUMAN

Seinge d'ula kem si ndôo lé, yeen a kar si waje ro si se ci nan'd looge Mbaidombaije Jesu a kunda loo teen; yeen a kin qe kuraje lea ge njesingamongje dara teen ne dann ndon per'g, mba kar deenge ger Allah el lem qe deen ge taa tagemaji le Mbaidombaije Jesu Kristi el lem to lé, bean os tâ dee'g bösörö. — 2 Thessalonicienje 1:7, 8

Boolee sein illaje ngonkkoji do ndu Njeshiqenean lé el lem, boo lee sein ösje ta le Njeshiqenean lé reou lem to ndaâ, ji Njeshiqenean a kôs si reou to ge yeen ös bausije reou bêe ya to. — 1 Samuel 12:15

See sein gerje el wa, yeen ge sein omje ro si jia'g mba killa ne ngonkkoji dea'g lé ndaâ, sein naije ge bberje lea nja. Lee kaiya ge onn si om si tâ yoo'g esé ngonkkoji ge onn si om si do meekarabatur'g, yeen ge sein omje ro si jia'g lé ndaâ, sein toje bberje lea ya. — Romainje 6:16

Aa ooje, bbogenê m'unda dokaisegere qe ndol non si'g: boolee sein a killaje ngonkkoji do godndu Njeshiqenean Allah le si ge m'woji m'ar si bbogenê lé ndaâ, do si a kai segere; nê boo lee sein a killaje ngonkkoji do godndu Njeshiqenean Allah le si el lé ndaâ, ndol bba a kwa do si'g. — Deutéronome 11:26-28a

AR TÂI TEEN UNDA NE NON MBAIDOMBAIJE BBA GE KUMAN

Tâ deou ge rara kârâ a teen bbar ne ri Jesu Kristi Mbaidombaije mba kula ne ronduba do Allah Baudeouje'g lé to. — Philippienje 2:11

Togebè bba deou ge rara ge a teenqe rim non deouje'g ndaâ, ma nja kârâ m'a teen qe ria non Baum ge shi dann dara'g lé to. Nê deou ge rara ge a lom dom kem deouje'g ndaâ, ma nja kârâ m'a lom dea kem Baum ge shi dann dara'g lé ya to. — Matthieu 10:32, 33

Boo lee tai teen ari unda ne non Mbaidombaije lem, qe teenge Allah teen sea dann nje ge d'wei'g lé i taa qe meeindaâ, i akaji ne ya, mbata mee-kunn ge ged bba deou a to ne njemeekarabasur lem, qe ta meekunn neelé ge a teentea'g lé, yeen a kinga ne kaji qe goo tage to mee maktub ge to qe kemee lé lem to. — Romainje 10:9, 10

Nana bba ge os Ngonn lé reou ndaâ, Baudeouje nai sea el. Yeen ge tea teen pana: Ngonn lé to ngonn Baudeouje ndaâ, Baudeouje nai sea ya. — 1 Jean 2:23

Nana bba ge ra rokul dom ma'g lem qe do taje ge lem lé ndaâ, Ngonn-deou a ra rokul dea'g, loo ge yeen a ree dann ronduba'g lea lem qe kan Baubeeje'g lema qe kan kuraje ge dara ge njemeen-daje'g lé lem to. — Luc 9:26

CHEITAN TO NJEBAN LE CI GE BOI

Yenn nga Ndil os Jesu bboin-bboin aree uru dodillaloo'g mba kar njekurai ain méee. . . Yenn nga Jesu ulá pana: — Cheitan, od tam'g gogo, mbata deen ndang mee maktub'g pana: Mbaidombaije Allah lei lé yeen ya kara ba bba i a kwá meein'g lem, qe yeen nja kara ba kiao bba i a kwa killá lem to. Yenn nga njekurai lé ubá yán; aa ooje kuraje ge dara bba ree per ge ro Jesu'g, ra néje d'aree.

— Mattieu 4: 1 qe 10, 11

M'a qekulai par ge ro dee'g lé lem to; mba kar i arkem dee inja, kar dee d'in ne dann loo ndul'g teen ne dann kàrá lem, mba kar dee d'unda ro dee ji singamong'g le Cheitan ti d'om ne ji Allah'g lema, mba kar dee d'om meendeedom'g mba kar meem ti mbiti dokaiya'g le dee bóo qe kar d'ishi qe deen ge to qe kemee lé, kinga se dee nénoji lé to.

— Neranjekainkulaje 26: 18

Undaje kemkâr do ro si'g, raje kem si rakaa mbata njekurai ge to ge njeban le si lé, ain do si kor-kor asena qe tobain ge ain do loo mba kuba né kwa kinja miin do'g her-her lé to.

— 1 Pierre 5: 8

Odoje néröje le Allah bura, omje ro si'g qe mba kôman ne qe njekurai dum négoso lea.

— Ephesienje 6: 11

REOU DUM DO CHEITAN

Ndea neelé, yeen ge njekos Allah reou lé, a nduba rea ge raga, nê tâ Mbaidombaije ge a toh dea'g pu ya, a tujee ne lem, ronduba le Mbaidombaije ge ndo ge a ree'g lé a guree nang rug-rug lem to. — 2 Thessalonicienje 2:8

Omje ro si ji Allah'g. Osje Cheitan reou bba yeen a kain si bei. Remje per ge ro Allah'g bba, yeen kêrâ a rem per ge ro si'g bei.

— Jacques 4:7, 8a

To ge ngannje ge d'oji dee to mes qe dakasro ge in ro njekojideeje'g, yeen kêrâ unn rea yeen togebè to, mba kar kwei ge yeen wei ne, njekurai ge to njesingamong le yoo, a tuji ne lem.

— Hebreuje 2:14

Yeen ge ra kaiya ndaâ, yeen to ge kan njekurai, mbata njekurai lé unnkudu ra kaiya ketté ge dotar saar bacinè. Nê Ngonn Allah lé unda loo teen qe mba tuji néraje le njekurai lé. — 1 Jean 3:8

Meenoji le Kristi lé ge kula kum ci sea nan'd lé, see na bba ge njegangee wa. See némeekon, esé néurti, esé nékemndôo, esé bboo, esé kaou kudu dum, esé néyooje ge d'ain do ci sub, esé kiambas, see néje ge togebè bba d'askem gang kula meenoji lé wa... Mbol do yeen ge njekunda ci dann kemee'g lé, néje neelé lai ge ra ci lé, qe

ges néje ge rang bei kârâ, jeen dum dee ne qe
lélé ba. — Romainje 8:35 qe 37

MEENOJI BBA GE NÉ GE RIBA DO KANKEM NJEKWAKILLA-JESU

Kand né ge kan Ndil lé bba to nee ya: Meenoji
lem, qe rofel lem, qe meekullom lem, qe meekai
sam-sam lem, qe to ge deou-noji lem, qe mee-
maji lem, qe to ge ngonkoji lem, qe kaou yururu
lema, qe kunda-kemkâr-do-ro'g lem to.

— Galateje 5:22, 23a

Boo lee sein undaje nan dann kem nan'd ndaâ,
deouje lai d'a ger si ge njekwakillamje ya.

— Jean 13:35

Jesu tel dejee gol joo pana: —Simon, ngonn
Jonas, see i undam dann kemi'g ya wa. Pierre
ndigi tea'g pana: —Oiyo, Mbaidombaije, i ger
gao ma lé m'ndigii ya. Jesu tel illá kenneng pa-
na: —Bèe ndaâ, ul badje lem am. —Jean 21:16

Boo lee m'pa tapa deouje ge nang nee esé nje ge
dara nê meenoji gotomeem'g ndaâ, ma m'to as-
ena qe mand ge bbar bbereng-bbereng esé lar ge
kas ge bbar kèng-kèng to. —1 Corinthienje 13:1

Jeen lé, jeen n'ger gao, j'unda loo ngang j'uru
loo khem'g lé mban, mbata jeen j'unda ngakon
cije dann kem ci'g. Yeen ge unda ngokean dann
keme'e'g el ndaâ, yeen nai dann loo yoo'g bei.

— 1 Jean 3:14

TA TEEN DOKUMBWA'G LE JESU KRISTI

Jesu unda loo teen qe ndo ge dongor ge ôré goo ndo sabbat lé ndaã, yeen teen do Marie Magdala ge yeen tuba ndilje ge yêr méeen'g siri ketté lé.

— Marc 16:9

Ndo jinaijoo gogo lé, njekwakilla Jesu-je tel d'wa do nan mee kei'g gogo tobei, nê Thomas lé shi se deen nan'd nga, d'udu tâkeije do dee'g, Jesu teen do dee'g tesere, ula dee pana: —Shije qe meelom. Tobei yeen tel ula Thomas pana: —Ula ngaojii ge ketté oo ne jim lem, ula ngaojii ge ketté ge ngelmeem'g oo ne lem to, bóo qe eou ne roi mainta lei om ne mee do'g. Thomas illá kenneng pana: —Mbaidombaije lem! Allah lem!

— Jean 20:26-28

To yeen ge d'wá qe mba kalta le ci, nê yeen unda loo teen qe mba kar ci n'toje ne njemeekarabasurje ya.

— Romainje 4:25

Jeen n'to ge njekorgoo néje lai ge yeen ra bbee le Juifje lem qe Jérusalem lem to. Deen ddaree kaar kag'd tolee d'aree wei. Nê ndo ge njekom ge munta lea ndaã, Allah aree unda loo teen, teen kem bôo-deouje'g lai el, nê teen kem deen ge to ge njekorgootaje lea ge Allah or dee unda dee qe kemee, to jeen ge j'uso sea lem qe j'ai sea lem loo ge yeen unda loo teen ne dann nje ge d'wei'g lé to.

— Neranjekainkulaje 10:39-41

TEEN DOKUMBWA LÉ TO NÉ GE MEE CI TO YEL DO'G

Ma m'ula si tesere, kâr kar nje ge d'wei d'oo ndu Ngom Allah ge a qe teen lé, teen mban to... Arje kaar si ndeb do ta ge neelé el, mbata kâr kar deouje lai ge to bwa-dobbar'g lé d'oo ndia ndaâ, d'a teenya to. Deen ge to njeranéje ge maji lé d'a teen qe mbakishi qe khem ge qe nonlé, nê deen ge njeranéje ge majel lé d'a teen qe mba kar dee ra sariya do dee'g to.

— Jean 5:25 qe 28, 29

See sein gerje el wa, jeen lai ge deen baptise ci ginn Jesu Kristi'g lé, deen baptise ci ginn yéee'g to. Togebe bba, baptême ge jeen n'ra ginn yoo Kristi'g lé, deen dubu ci sea nan'd, mba kar ci n'teen to ge ronduba le Baudeouje lé ar Kristi teen mbuna nje ge d'wei'g lem, mba kar ci n'tel j'ishi qe khem ge cigi lé, njaa ne qe panjaa ge cigi to. Boo lee j'om sea nan'd yeg loo kwei ge lea ndaâ, j'a kom sea nan'd yeg loo teen doku- mbwa'g lea lem to.

— Romainje 6:3-5

Ndea neelé Jesu unn kudu toji njekwakilláje ta pana: Ngatogje lem, qe mbai-do-njerasacrifi- ceje-je lema, qe njendajimaktubje lem to, d'a ra se neen néurti kar neen n'wei; ndo munta ndaâ, n'a kunda loo teen bei.

— Matthieu 16:21

NJAAJE GE NJEMEENDAJE KEM MBAIDOMBAIJE

Seinge m'unda si dann kem'g lé, ndia ge yeen unn ar ci lé, ar ci n'togoje néje ge minan ge qe riarage tyandaro ci'g qe ndil ci'g to. Ar ci m'bbelje Allah mba kar meenda le ci maji or njong.

— 2 Corinthienje 7:1

Togebè bba, yeen ge sa rea reou do né geminan'g ndaà, ato asena qe jô ra mbaikula ge d'unda dôi; yeen to gel néra kula le bbéeeje, mba ra ne kula ge àr ge rara kârâ qe léee-léee.

— 2 Timothee 2:21

Deen ge Allah Baudeouje lé kumandee méeen'g mber dee lem, qe Ndil kârâ or dee kemee, mber dee ne lem to, mba kar dee d'illa ngonkoloji do Jesu Kristi'g, mbakar mesee ge sà do nang neelé woji do dee-deen ya. Maji kar noji qe meelom lem uru nan qe golee ge do si'g do si'g.

— 1 Pierre 1:2

N'a kwa ci ogedo kor ci ne ji njebanje'g le cijeen bba j'a kwa neen mee ci'g qe kaar ged el nga; ndo ci-ndo ci ge j'a shi qe khem le ci lé ndaà, j'a njaa nean'g qe meemaji lem qe meekarabasur lem to.

— Luc 1:74, 75

Yeen ge bbar si lé, to njemeenda bèe ndaà, se-inje kârâ toje njemeendaje qe mbakar néra si ge qe léee-léee to qe kemee bèe to. — 1 Pierre 1:15

NJAAJE GE NJEMEENDAJE KEM MBAIDOMBAIJE

Ma m'baptise si qe mann qe mba kar si waje ndôo ro si do kaiya'g le si, nê yeen ge shi ree goom'glé, singa uru dom'g; markob lealé, m'askem kodo kaou kom'g el. Yeen nja bba a baptise si qe Ndilmeenda qe per to. — Matthieu 3:11

Mbol do Kristi lé bba Allah or ci ne unda ci ne qe kemee ketté ge dotar, loo ge yeen tum ne ginn nang nee el bei, mba kar ci j'ishi ne qe kemee nean'g lem, kar gel ci goto lem to.

— Ephesienje 1:4

Gelee ge togebè bba Jesu kârâ wei ne ngangloo ge raga qe mba kunda deouje lea qe kemee qe daro mesee yeen nja to. — Hebreuje 13:12

Dodillaloo'g neelé d'a sura reou kenneng, reou neelé d'a bbaree reou ge to qe kemee; deou ge nje-meeyèr kara kârâ a kaou kenneng el; reou neelé a to mbata deen ge mal njaa kenneng bba ra dee ngwod-ngwod, to reou ge lee deou ger né yaan el kârâ, a kaskem ndem kenneng kigi el to.

— Ésaïe 35:8

Boolee jeen n'teg ginn kaiya le ci ge raga ndaà, yeen to njemeendalondon qe njemeekarabasur mba kar méee ti mbiti do'g lem, mba kor wenn néra ge kôri-kôri le ci bbendere-bbendere lem to.

— 1 Jean 1:9

KAR NDILMEENDA TAA MEE SI PEL-PEL BBA GE KUMAN

Loo ge deen ra tamaji neelé mban ndaà, kei yë ula déréré-déréré, Ndilmeenda taa meen dee pel-pel, ar dee d'or ta le Allah qe kem ngo-ndingam. — Neranjekainkulaje 4:31

Nê sein a kingaje singamong loo ge Ndilmeenda a deb do si'g lé ndaà, sein a toje njekorgootaje lem. — Neranjekainkulaje 1:8a

Nê njekwakillaje ge d'yandee lé, deen ra rolel lem, Ndilmeenda taa meen dee yal-yal lem to. — Neranjekainkulaje 13:52

Yenn nga, boo lee Ndil to mee si'g togerondaà, sein nja sein waje goo ro si do Ndil ro'g bôo do kan daro'g bba el. Boo lee nana bba nai qe Ndil Kristi el ndaà kârâ, njea neelé to kan Kristi el to. — Romainje 8:9

Bêe ndaà, sein ge toje njemeeyêrje bei-ë, ger-je loo kar ngann sije né ge maji ge deen kwoi si nê bbed bba see Bausije ge shi dara lé a lal kar deen ge kwoiyee Ndilmeenda lé bei wa. — Luc 11:13

M'a kar Ndilim taa mee si, yee bba sein a sôré-je kem si goo taje ge ma m'ndoo si lem, sein a kaaje ne do godndumje raje ne néee redede lem to. — Ézéchiél 36:27

NDUKUNN LE ALLAH GE KAN KULA DINGAM MEE NJETAAMEE-KRISTI-JE

Néje neelé lai lem qe néje lai ge shi khemba lem to, jim bba m'ra dee ne. Njeshiqenean pa bée. Aa ooyeenge m'a tos kem dea'g lé bba nee: yeen ge kemee to ndôo lem, yeen ge ndilee unda bala tigi-tigi lema, yeen ge bbel kankemta lem ra néee lem to. —Ésaïe 66:2

Yeen a bor mann-non kem dee'g lem, yoo a bbar ri dee gogo el lem, kemndôoyookârâ a goto lem, nonyoo a goto lema, meekonyoo kârâ a goto lem to, mbata néje ge dotar lé sané pa mban. —Lookillarea 21:4

Sein gem'unda si dann kem'g lé, némeekon ge to asena qe per ge on bilim-bilim ge a qe naa si lé, maji kar si éeeje asena qe nékobge a teen do si'g wai el. Boo lee sein omje mee si nan'd sad qe Kristi loo meekon'g lea ndaà, raje ro lel mbata loo ge a qe nduba rea ge raga lé, do ro lel le si a kor ne njal lem, sein akalje ne ro si sea nan'd lem to. —1 Pierre 4:12, 13

Om meei do Njeshiqenean'g. Néra ge maji lé ra néee ta-ta. Shi bbeeshii ge maji lem, néra ngonkkoji bba to ge loo nésoi lem to. —Psaume 37:3

NDUKUNN LE ALLAH KAR DEEN GE NÉ SHI ER DEE

Allah ge njeyelkô meelom lé waga ba ya a red Cheitan lé gel gol si'g mbenji-mbenji to. Majikar si shije dann noji'g le Mbaidombaije le ci Jesu Kristi lé to. — Romainje 16:20

Tuji yan goo njemeekarabasur el, nê Njeshigenean teen sea kenneng ta-ta ya. — Psaume 34:20

Loo ge i a qe njaa dann mann-mbo'g ndaâ, m' a kôré sei reou nan'd mès; loo ge i a qe kaou dann mann-baa'g kârâ, mann neelé a turu doi'g el. Boo lee i njaa dann per-mbo'g ndaâ, per a koni el lem, kunjee kârâ a tibi mbori el lem to. — Ésaïe 43:2

Gelee ge nee bba, jeen n'ger gao, deouje ge d'unda Allah dann kem dee'g, deen ge Allah bbar dee qe goo né ge yeen nja woji méeen'g lé ndaâ, néje lai ge a ra dee lé d'a mbon kinga nan ge majee do dee'g ya. — Romainje 8:28

Né ge rara bba ge naa si kârâ, naa garsije togebè to, bóo al do singa dee el. Allah to njemeendalondon bóo a kyan né naa si karee al do singa si el. Yeen nja a kar si singa si lem, yeen a ra reou kar si dumje ne do né ge naa si lé to.

— 1 Corinthienje 10:13

NDUKUNN LE ALLAH KAR DEEN GE D'UNN BANGA

— Yeen ge unn banga ndaà, m'a kula kubu ge nda rea'g, m'a tuji ria mee maktub kheme'g lé ndan el lem, m'a teen qe ria ge raga non Baum'g lem qe non kuraje lea ge dara lem to.

— Lookillarea 3:5

— Yeen ge unn banga ndaà, m'a karee to gaji-ngö-kag ged keishi-Allah lem, m'a karee nai kenneng qe non lem, m'a ndang ri Allah lem rea'g lema, m'a ndang ri bbee le Allah rea'g qe rim ma ge cigi rea'g lem to. Bbee le Allah lé to Jérusalem ge cigi ge in dara bbee le Baum bba ree nang nee.

— Lookillarea 3:12

Yeen ge a kunn banga ndaà, a kinga néje neelé ge ma m'woji lé, m'a to ge Allah lea yeen lem, yeen a to ge ngonnm lem to. — Lookillarea 21:7

— Yeenge mbia to genn ndaà, maji karee oo ne ta ge Ndil nja bba ula Egliseje. Deou ge to ge njekunnbanga ndaà, m'a karee so kand kag kheme ge to mee bbee'g le Allah ge ndôlé kein-kein lé.

— Lookillarea 2:7

— Yeen ge unn banga lé, m'a karee shi sem kalimbai'g lem, to ge ma nja m'unn banga m'ishi ne qe Baum kalimbai'g lea yeen lé to.

— Lookillarea 3:21

TA GE ALLAH PA WOJI NE DO TUBA DENNÉ

Ma nja m'ula si tesere, nana bba ge mbat denné lea ge to kaiya denné el bei ndaà, yeen nja odee lookaiya'g. Tobeidingam ge taa denné ge maree mbatee lé kârâ, ta modkaiya wa dea to.

—Matthieu 5:32

— Nana bba ge tuba denné lea qe mba taa yeen ge rang ndaà, ta modkaiya wa dea ya; nana bba ge taa denné ge ngabeeje tubá neelé ndaà kârâ, ta modkaiya wa dea ya to.

—Luc 16:18

Togebè bba, denné ge rara bba ge ngabeeje shi khemba bei ndaà, godndulé tö deenan'd neji bei; nê loo ge ngabeeje wei mban ndaà, godndu lé tin dee kad ya. Bèe ndaà, denné ge ngabeeje shi khemba bei bba yeen taa dingam ge rang ndaà, d'a bbaree kaiya-denné; boo lee ngabeeje wei mban bba yeen taa ngao ge rang ndaà, ta kaiya wa dea el nga; mbata kwei le ngabeeje lé ar ta godndu or ne dea'g lem to.

—Romainje 7:2, 3

Deen ge taa nan mban lé, tôrndu Mbaidombaije bba m'ula dee bóo to tôrndum el. Maji kar denné tin qe ngabeeje el. Boo lee yeen tin sea ndaà, maji karee tel inga ngabeeje gogo; boo lee bèe el ndaà, maji karee shi boa. Maji kar dingam kârâ tuba denné lea el to.

—1 Corinthienje 7:10, 11

TA REE LE KRISTI GE NJEKOM GE JOO

Tobei looge m'aou ge m'gol loo le si lé mban ndaà, m'a tel ree qe mba kodo si kém'g, bèe bba loo ge m'a shi kenneng lé kârâ sein a shije sem kenneng nan'd to. — Jean 14:3

Togeroya, to ge ndi inbër tel wererenjal teen ar nje ge do-gó d'éeé lé, ndo ree le Ngonn-deou lé kârâ a to togebè nja to. — Matthieu 24:27

Nana bba ge ra rokul dom'g qe do ta ge lem mbuna ginnkoji deouje ge do nang nee ge to nje-kaiyaje lem qe njemodkaiyaje lem lé ndaà, Ngonn-deou a ra rokul dea'g loo ge yeen a ree dann ronduba'g le Baubeeje lé lem qe dann kuraje lea ge dara ge to njemeendaje lé lem to. — Marc 8:38

Sein nja kârâ illaje mee si do maree'g lem, aije mee si sam-sam mbata ndo ree le Mbaido-mbaije nai ngwoi bèe. — Jacques 5:8

Yenn ndaà nga, nékwoji loo ree le Ngonn-deou a teendara nga; mee ndea neelé ginnkoji deouje-deouje gedo nang nee d'a kunda kaar dee non qe kii gér-gér, d'a kaa loo koo Ngonn-deou a kin dara shi ree ge loo kil ge le ndi, yeen a ree qe singamong lem qe bôo-ronduba lem to.

— Matthieu 24:30

TA REE LE KRISTI GE NJEKOM GE JOO

Waga bba m'a ree bei; wa do gol néje ge nai mba kar deou kara kârâ taa dogugu lei el.

— Lookillarea 3:11

Yenn nga d'a koo Ngonn-deou a kin dara kunda loo teen dann mum'g qe singamong lem qe dongo ronduba lem to.

— Luc 21:27

Seinje kârâ waje do gol ro si shije ne dokeji si'g kegege to; mbata Ngonn-deou lé a ree do kâr ge sein shi gonje lé el.

— Luc 12:40

Sein ge m'unda si dann kem'g lé, jeen se sije n'toje ngann Allah-je bacinè ya. See ro ci a tel to ge banwa. Yee bba to raga pai-pai el bei, nê loo ge yeen a teen wai ndaâ, j'a to tana sea pai-pai ya, mbata j'a geree tesere ge deou ge bête lé ya.

— 1 Jean 3:2

— Aa ooje, m'a teen do si'g asena qe njebbogo ge teen wai bête. Yeen ge shi khemba ge shi qe kubu rea'g, bôo aou qe kudee dum ba ar dee d'oo rokul lea el ndaâ, rea a lelee yaan.

— Lookillarea 16:15

Ngonn-deou lé a ree qe kuraje lea ge dara nan'd qe ronduba ge Baubeeje a kula dea'g. Ndea neelé a kôga nana kârâ qe goo kula rea-rea ya.

— Matthieu 16:27

TA LE ALLAH

Matthieu 22:29

Jesu illa deekenneng pana: — Takenji le si lé uru si wala, mbata sein gerje ginn maktub ge to qe kemee lé el lem, sein gerje singamong le Allah lé el lem to.

Luc 21:33

Dara qe nang nee d'a des wuduru qe lélé ba, nê ta lem a kudu ndan el.

2 Timothée 3:16

Ta lai ge to mee maktub'g neelé to ta ge in tâ Allah'g ya; majimba ndoo dee ne lem, mbandang dee ne lem, mba gol dee ne lema, mba toji dee ne né ge to qe do najee lem to.

2 Pierre 1:21

Deou kara kârâ askem kor ginnee qe dorea el; mbata ta ge pa lé, to ta ge in mee deou'g tel el. Ndilmeenda bba uru mee deouje'g ar dee pa ne tapa Allah ya.

Psaume 119:105

Ta lei lé yee bba to ge perndo ge ndogó killa golmje'g lem; yee nja to ge lookâr ge àr njai do killa-reou'g lem ya to.

Psaume 119:11

Ma lé m'wa ta lei do bbengerem'g bóo qe mba karm m'ra kaiya m'osi ne reou el nga.

Dieu pourvoit au coût de ces livrets grâce à des contributions, ce qui permet d'en envoyer des quantités limitées gratuites à tous ceux qui nous en demandent.

**Pour des questions ou de plus amples informations par pays,
veuillez consulter: wmp-contacts.org**

WATSON GOODMAN MBON VERSETJE NEELÉ

MAKTUB NEELÉ D'ARI GE KAR
BOO DEOU A NDOGO EL



World Missionary Press, Inc.
PO Box 120
New Paris, IN 46553-0120 USA
www.wmpress.org

Read booklets online or by App
www.wmp-readonline.org